

Visoki predstavnik posjetio Crkvu sv. Save u New Yorku



Tokom svoje posjete New Yorku, gdje će danas predstaviti redovni 52. izvještaj Vijeću sigurnosti UN-a, visoki predstavnik Valentin Inzko iskoristio je priliku da posjeti pravoslavnu Crkvu sv. Save na Manhattanu i sastane se sa protojerejem Živojinom Jakovljevićem.

Crkva sv. Save je 2016. godine teško oštećena u požaru. Visoki predstavnik, koji se tada zatekao u New Yorku, posjetio je lokaciju i dao doprinos za obnovu crkve.

“Ono što sam vidio 2016. godine bio je izuzetno tužan prizor. Htio sam vidjeti koliko se napredovalo s obnovom crkve. Bit će potrebni ogromni naponi, financijski i drugi, da se taj zadatak završi. Međutim, bilo mi je drago čuti da bi rekonstrukcija krova i poda mogla biti gotova, te da bi crkva mogla biti ponovo otvorena do sljedećeg Vaskrsa, na radost svih vjernika koji pripadaju ovoj crkvi”, rekao je visoki predstavnik.